

EINAR ÓLAFSSON.

„Á daginn er tregandi dapurt mitt ráð.
En— draumurinn var svo fagur.“

B. D.

„En— draumurinn var svo fagur.“

Og einn slíkan draum dreymdi Einar í æsku; en svo höfðu örlaga-nornirnar lagt á, að ekki skyldi hann rætast.

Í seinni tíð virtist stefna jafnaðarmanna hafa tekið Einar föstum tökum.

Hann dreymdi annan fagran draum, sem sýndi honum inn á lönd þau, er sumir ætla séu lönd framtíðarinnar. Þar sá hann í hillingu sóllanda-fjöll fyllra frelsis og mannúðar, fagran, hlýjan og viðlendan heim— hugsýn jafnaðarmanna.

Og sannfærður um veruleik þess heims, þ. e. a. s., að þang að ynnist leiðin, lagði hann fram alt sitt fylgi til þess, að gera vegina þangað greiðfærari.

Margir hafa unnið að slíku um dagana og munu eins hér estir um ókomnar aldir; en hvort fyrirheitna landinu, eins og það birtist í draumunum fögru, verður nokkurn tíma náð, það veit enginn maður.

Fyrir sterkan vilja og heita umbótaþrá er sýnin lokkandi og hvetjandi til áframhalds. Og að svo hafi verið, þar sem Einar átti hlut að máli, um það held eg enginn efist, sem for-dómslaust les ritgerðir hans í „Baldri“.

Hitt er annað mál, hvort áköf barátta fyrir því, semi enn þá liggar í fjarlægðar-móðu ókominna alda, getur ekki verið óþörf, sunum að minsta kosti; hvort þeir eru ekki að eyða kröft-um og tíma til einskis, þegar þeir eru að fást við svo örðug við-fangsefni. Um það hygg eg geti orðið deildar skoðanir.

Það er svo hætt við því, þar sem löngun er heit og sterkur vilji, að fá einhverju afkastað, en möguleikinn er ekki að sama skapi, að vonin, um að draumurinn rætist, vanmagnist, og hugurinn verði dapur og tregandi,— að sóllandafjöllin hverfi í köldum eljum og júnísólin gangi til viðar og renni aldrei framar.